

## YR YSTWYLL 5

ESEIA 6:1-8 [9-13]; SALM 138;  
1 CORINTHIAID 15:1-11; LUC 5:1-11

---

---

### ● Gweddi agoriadol

Datguddia dy hun, Dduw grasol,  
ar adeg ein haddoli.  
Siarad â ni drwy'r caneuon a ganwn,  
y gweddïau a lefarwn, y geiriau a glywn.

Datguddia dy hun, Dduw grasol,  
o fewn dy deulu yma.  
Yn ein siarad a'n gwranddo,  
ein dagrau a'n chwerthin, rhennir cariad.

Datguddia dy hun, Dduw grasol,  
o fewn y dyddïau nesaf,  
yn y mannau lle trigwn,  
gyda'r bobl a gwrddwn, mewn gwaith a chwarae.

### ● Moliant

Mae'r ddaear hon, sy'n llawn o'th ogoniant,  
yn clodfori dy enw  
mewn geiriau mud o harddwch a thangnefedd;  
yn datguddio dy gariad  
drwy law'r dieithryn a rhodd gras.

Mae'r ddaear hon, sy'n llawn o'th ogoniant,  
yn clodfori dy ddarpariaeth  
drwy ddŵr rhedegog a bwyd i'w fwyta;  
yn datguddio dy air  
drwy fendithion dyddiol a bara'r bywyd.

Mae'r ddaear hon, sy'n llawn o'th ogoniant,  
yn clodfori dy enw.

● **Cyffes**

Os methom adnabod dy gariad  
yng ngweithred cyfaill neu ddieithryn,  
maddau i ni.

Os methom adnabod dy lais  
drwy glebran ein byd,  
maddau i ni.

Os methom gofio dy gariad  
ym mhrysurddeb ein bywyd bob dydd,  
maddau i ni.

Adnewyddda ein calonnau mewn addoliad.  
Adnewyddda ein meddyliau mewn doethineb.  
Adnewyddda ein dwylo mewn gwasanaeth  
a boed i'n bywydau dyfu  
yn offrwm bodlon i ti.

● **Diolch**

Rwyt yn ein herio i'th ddilyn,  
nid drwy aros ble rydym  
ond drwy gamu ymlaen mewn ffydd,  
yn bwrw ein rhwyd i ddyfroedd dyfnach,  
fel y gwnaeth Simon Pedr, y pysgotwr.

Rwyt yn ein herio i ymddiried ynot  
a bod yn barod am bob  
posibilrwydd,  
hyd yn oed pan fo'r llwyth yn drwm  
a'r daith yn anodd.

Ond gyda'th her  
daw bendith,  
wrth i rwydau tila gael eu llenwi  
ac i fywydau toredig gael eu cyfannu,  
wrth i wacter droi yn llawnder.

Diolch am yr her.  
Rho i ni ddigon o ffydd i ddilyn  
a digon o nerth i barhau.  
Drwy Grist yn unig y gofynnwn.